

佛說長阿含經卷第十八

聽八

姚秦三藏法師佛陀耶舍共竺佛念譯

第四分世記經第十一

闍浮提洲品第一

如是我聞一時佛在舍衛國祇樹給孤獨園俱利窟中與大比丘弟子千二百五十人俱時衆比丘於食後集講堂上議言諸賢未曾有也今此天地何由而敗何由而成衆生所居國土云何

爾時世尊於閑靜處天耳徹聽聞諸比丘於

食後集講堂上議如此言爾時世尊於靜窟起詣講堂坐知而故問問諸比丘向者所議議何等事諸比丘白佛言我等食後集法講堂議言諸賢未曾有也今是天地何由而敗何由而成衆生所居國土云何我等集堂議如是事佛告諸比丘言善哉善哉凡出家者應行二法一賢聖默然二講論法語汝等集在講堂亦應如此賢聖默然講論法語諸比丘汝等欲聞如來記天地成敗衆生所居國邑不耶時諸比丘白佛言唯然世尊今正是

時願樂欲聞世尊說已當奉持之
佛言比丘諦聽諦聽善思念之當爲汝說佛
告諸比丘如一日月周行四天下光明所照
如是千世界千世界中有千日月千須彌山
王四千天下四千大天下四千海水四千大
海四千龍四千大龍四千金翅鳥四千大金
翅鳥四千惡道四千天惡道四千王四千大
王七千大樹八千文泥犁十一大山千閻羅
王千四天王千忉利天王千燄摩天千兜率
天千化自在天千他化自在天千梵天是爲

小千世界如一小千世界爾所小千千世界
是爲中千世界如一中千世界爾所中千千
世界是爲三千大千世界如是世界周匝成
敗衆生所居名一佛刹佛告比丘今此大地
深十六萬八千由旬其邊無際地止於水水
深三千二十由旬其邊無際水止於風風深
六千四十由旬其邊無際比丘其大海水深
八萬四千由旬其邊無際須彌山王入海水
中八萬四千由旬出海上高八萬四千由
旬下根連地多固地分其山直上無有阿曲

生種種樹樹出衆香香遍山林多諸賢聖大
神妙天之所居止其山下基純有金沙其山
四面有四埵出高七百由旬雜色間廁七寶
所成四埵邪臣曲臨海上須彌山王有七寶
階道其下階道廣六十由旬夾道兩邊有七
重寶牆七重欄楯七重羅網七重行樹金牆
銀門銀牆金門水精牆瑠璃門瑠璃牆水精
門赤珠牆瑪瑙門瑪瑙牆赤珠門碑礎牆衆
寶門其欄楯者金欄銀枕銀欄金枕水精欄
瑠璃枕瑠璃欄水精枕赤珠欄瑪瑙枕瑪瑙

欄赤珠枕碑礎欄衆寶枕其欄楯上有寶羅
網其金羅網下懸銀鈴其銀羅網下懸金鈴
瑠璃羅網懸水精鈴水精羅網懸瑠璃鈴赤
珠羅網懸瑪瑙鈴瑪瑙羅網懸赤珠鈴碑礎
羅網懸衆寶鈴其金樹者金根金枝銀葉華
實其銀樹者銀根銀枝金葉華實其水精樹
水精根枝瑠璃華葉其瑠璃樹瑠璃根枝水
精華葉其赤珠樹赤珠根枝瑪瑙華葉其瑪
瑙樹者瑪瑙根枝赤珠華葉碑礎樹者碑礎
根枝衆寶華葉其七重牆牆有四門門有欄

楯七重牆上皆有樓閣臺觀周匝繚遠有園觀浴池生衆寶華寶樹行列華果繁茂香風四起悅可人心鳴鴈鶩鷺異類奇鳥無數千種相和而鳴又須彌山王中級階道廣四十由旬夾道兩邊有七重寶牆欄楯七重羅網七重行樹七重寶鈴七重乃至無數衆鳥相和而鳴亦復如是須彌山頂有三十三天七重行樹七重乃至無數衆鳥相和而鳴亦如下階其上級階道廣二十由旬夾道兩邊有七重寶牆欄楯七重羅網七重行樹七重乃至無數衆鳥相和而鳴亦復如是過三十天由旬一倍有毘摩天宮過毘摩天宮由旬一倍有兜率天宮過兜率天宮由旬一倍丘其下階道有鬼神住名曰迦樓羅足其中

階道有鬼神住名曰持鬘其上階道有鬼神住名曰喜樂其四出墻高四萬二千由旬四天大王所居宮殿有七重寶城欄楯七重羅網七重行樹七重寶鈴七重乃至無數衆鳥相和而鳴亦復如是須彌山頂有三十三天宮寶城七重欄楯七重羅網七重行樹七重乃至無數衆鳥相和而鳴亦復如是過三十天由旬一倍有毘摩天宮過毘摩天宮由旬一倍有兜率天宮過兜率天宮由旬一倍有化自在天宮過化自在天宮由旬一倍有

他化自在天宮過他化自在天宮由旬一倍
有梵迦夷天宮於他化自在天梵迦夷天中
間有魔天宮縱廣六千由旬宮牆七重欄楯
七重羅網七重行樹七重乃至無數衆鳥相
和而鳴亦復如是過梵迦夷天宮由旬一倍
卷八
有光音天宮過光音天由旬一倍有遍淨天
宮過遍淨天由旬一倍有果實天宮過果實
天由旬一倍有無想天宮過無想天由旬一
倍有無造天宮過無造天由旬一倍有無熱
天宮過無熱天由旬一倍有善見天宮過善

見天由旬一倍有大善見天宮過大善見天
由旬一倍有色究竟天宮過色究竟天上有
空處智天識處智天無所有處智天有想無
想處智天齊此名衆生邊際衆生世界一切
衆生生老病死受陰受有齊此不過佛告比
丘須彌山北有天下名鬱單越其土正方縱
廣一萬由旬人面亦方像彼地形須彌山西
有天下名弗于達其土正圓縱廣九千由旬
人面亦圓像彼地形須彌山西有天下名俱
耶尼其土形如半月縱廣八千由旬人面亦

爾像彼地形須彌山南有天下名闍浮提其
土南狹北廣縱廣七千由旬人面亦爾像此
地形須彌山北面天金所成光照北方須彌
山東面天銀所成光照東方須彌山西面天
水精所成光照西方須彌山南面天瑠璃所
五成光照南方鬱單越有大樹王名菴婆羅園
七由旬高百由旬枝葉四布五十由旬弗于
達有大樹王名伽藍浮圍七由旬高百由旬
枝葉四布五十由旬俱耶尼有大樹王名曰
斤提圍七由旬高百由旬枝葉四布五十由

旬又其樹上有石牛幢高一由旬闍浮提有
大樹王名曰闍浮圍七由旬高百由旬枝葉
四布五十由旬金翅鳥王及龍王有樹名俱
利睞婆羅園七由旬高百由旬枝葉四布五
十由旬阿脩羅王有樹名善畫園七由旬高
百由旬枝葉四布五十由旬忉利天有樹名
曰晝度園七由旬高百由旬枝葉四布五千
由旬須彌山邊有山名伽羅羅高四萬二千
由旬縱廣四萬二千由旬其邊廣遠雜色間
廁七寶所成其山去須彌山八萬四千由旬

其間純生優鉢羅華鉢頭摩華俱物頭華芬陀利華蘆葦松竹叢生其中出種種香香氣充遍去佉陀羅山不遠有山名伊沙陀羅高二萬一千由旬縱廣二萬一千由旬其邊廣遠雜色間廁七寶所成去佉陀羅山四萬二千由旬其間純生優鉢羅華鉢頭摩華俱物頭華芬陀利華蘆葦松竹叢生其中出種種香香氣充遍去伊沙陀羅山不遠有山名樹臣陀羅高萬二千由旬縱廣萬二千由旬其邊廣遠雜色間廁七寶所成去伊沙陀羅山

二萬一千由旬其間純生四種雜華蘆葦松竹叢生其中出種種香香氣充遍去樹臣陀羅山不遠有山名善見高六千由旬縱廣六千由旬其邊廣遠雜色間廁七寶所成去樹臣陀羅山萬二千由旬其間純生四種雜華蘆葦松竹叢生其中出種種香香氣充遍去善見山不遠有山名馬食山高三千由旬縱廣三千由旬其邊廣遠雜色間廁七寶所成去善見山六千由旬其間純生四種雜華蘆葦松竹叢生其中出種種香香氣充遍去馬

食山不遠有山名尼民陀羅高千二百由旬縱廣千二百由旬其邊廣遠雜色間廁七寶所成去馬食山三千由旬其間純生四種雜華蘆葦松竹叢生其中出種種香香氣充遍去大金剛山不遠有大海水海水北岸去尼民陀羅山不遠有山名調伏高六百由旬縱廣六百由旬其邊廣遠雜色間廁七寶所成去尼民陀羅山千二百由旬其間純生四種雜華蘆葦松竹叢生其中出種種香香氣充遍去調伏山六百由旬其間純生四種雜華蘆葦松竹叢生其中出種種香香氣充遍去大金剛山不遠有大海水海水北岸去尼民陀羅山不遠有山名金剛園高三百由旬縱廣三百由旬其邊廣遠雜色間廁

七寶所成去調伏山六百由旬其間純生四種雜華蘆葦松竹叢生其中出種種香香氣充遍去大金剛山不遠有大海水海水北岸有大樹王名曰閻浮闍七由旬高百由旬枝葉四布五十由旬其邊空地復有叢林名卷婆羅縱廣五十由旬復有叢林名曰閻婆縱廣五十由旬復有叢林名曰婆羅縱廣五十由旬復有叢林名曰多羅縱廣五十由旬復有叢林名曰那多羅縱廣五十由旬復有叢林名曰爲男縱廣五十由旬復有叢林名曰

爲女縱廣五十由旬復有叢林名曰男女縱廣五十由旬復有叢林名曰散那縱廣五十由旬復有叢林名曰梅檀縱廣五十由旬復有叢林名曰佉訥羅縱廣五十由旬復有叢林名曰波捺婆羅縱廣五十由旬復有叢林名曰毗羅縱廣五十由旬復有叢林名曰香棕縱廣五十由旬復有叢林名曰爲棕縱廣五十由旬復有叢林名曰安石榴縱廣五十由旬復有叢林名曰爲甘縱廣五十由旬復有叢林名曰呵梨勒縱廣五十由旬復有

名毗醯勒縱廣五十由旬復有叢林名阿摩勒縱廣五十由旬復有叢林名阿摩犁縱廣五十由旬復有叢林名捺縱廣五十由旬復有叢林名甘蔗縱廣五十由旬復有叢林名葦縱廣五十由旬復有叢林名竹縱廣五十由旬復有叢林名舍羅縱廣五十由旬復有叢林名木瓜縱廣五十由旬復有叢林名大木瓜縱廣五十由旬復有叢林名解脫華縱廣五十由旬復有叢林名瞻婆縱廣五十由旬復有

叢林名波婆羅羅縱廣五十由旬復有叢林
名修摩那縱廣五十由旬復有叢林名波師
縱廣五十由旬復有叢林名多羅梨縱廣五
十由旬復有叢林名伽耶縱廣五十由旬復
有叢林名蒲萄縱廣五十由旬過是地空其
空地中復有華池縱廣五十由旬復有鉢頭
摩池俱物頭池芬陀利池毒蛇滿中各縱廣
五十由旬過是地空其空地中各有大海水名
鬱禪那此水下有轉輪聖王道廣十二由旬
夾道兩邊有七重牆七重欄楯七重羅網七

重行樹周匝校飾以七寶成間浮提地轉輪
聖王出于世時水自然去其道平現去海不
遠有山名鬱禪其山端巖樹木繁茂華果熾
盛衆香芬馥異類禽獸靡所不有去鬱禪山
不遠有山名金壁中有八萬巖窟八萬象王
止此窟中其身純白頭有雜色口有六牙齒
間金填過金壁山已有山名雪山縱廣五百
由旬深五百由旬東西入海雪山中間有寶
山高二十由旬雪山埵出高百由旬其山頂
上有阿耨達池縱廣五十由旬其水清冷澄

清無穢七寶砌壘七重欄楯七重羅網七重
行樹種種異色七寶合成其欄楯者金欄銀
桃銀欄金桃瑠璃欄水精桃水精欄瑠璃桃
赤珠欄瑪瑙桃瑪瑙欄^九赤珠桃碑礎欄衆寶
爲桃金網銀鈴銀網金鈴瑠璃網水精鈴水
精網瑠璃鈴碑礎網七寶爲鈴金多羅樹金
根金枝銀葉銀果銀多羅樹銀根銀枝金葉
金果水精樹水精根枝瑠璃華果赤珠樹赤
珠根枝瑪瑙華果碑礎樹碑礎根枝衆寶華
果阿耨達池側皆有園觀浴池衆華積聚種

種樹葉華果繁茂種種香風芬馥四布種種
異類諸鳥哀鳴相和阿耨達池底金沙充滿
其池四邊皆有梯陞金桃銀陞銀桃金陞瑠
璃桃水精陞水精桃瑠璃陞赤珠桃瑪瑙陞
瑪瑙桃赤珠陞碑礎桃衆寶陞達池周而皆
有欄楯生四種華青黃赤白雜色參間華如
車輪根如車轂華根出汁色白如乳味甘如
蜜阿耨達池東有恒伽河從牛口出從五百
河入于東海阿耨達池南有新頭河從師子
口出從五百河入于南海阿耨達池西有婆

又河從馬口出從五百河入于西海阿耨達池北有斯陀河從象口中出從五百河入于北海阿耨達宮中有五柱堂阿耨達龍王恒於中止佛言何故名爲阿耨達阿耨達其義云何此閻浮提所有龍王盡有三患唯阿耨達龍無有三患云何爲三一者舉閻浮提所有諸龍皆被熱風熱砂著身燒其皮肉及燒骨髓以爲苦惱唯阿耨達龍無有此患二者舉閻浮提所有龍宮惡風暴雨起吹其宮內失寶飾衣龍身自現以爲苦惱唯阿耨達龍王

無如此患三者舉閻浮提所有龍王各在宮中相娛樂時金翅大鳥入宮搏攝或始生方便欲取龍食諸龍怖懼常懷熱惱唯阿耨達龍無如此患若金翅鳥生念欲往即便命終故名阿耨達佛告比丘雪山右面有城名跋舍離其城北有七黑山七黑山北有香山其山常有歌舞倡妓音樂之聲山有二窟一名爲畫二名善畫天七寶成柔軟香潔猶如天衣妙音乾沓婆王從五百乾沓婆在其中止善畫窟北有娑羅樹王名曰善住有八千樹

王圍遶四面善住樹王下有象王亦名善住
止此樹下身體純白七處平住力能飛行其
頭赤色雜色毛間六牙纖膚金爲間填有八
千象圍遶隨從其八千樹王下八千象亦復
如是善住樹王北有大浴池名摩陀延縱廣
五十由旬有八千浴池周市圍遶其水清涼
無有塵穢以七寶塹周市砌壘遶池有七重
欄楯七重羅網七重行樹皆七寶成金欄銀
栏銀欄金栏水精欄琉璃栏琉璃欄水精栏
赤珠欄瑪瑙栏琉璃栏赤珠栏衆寶

桃其金羅網下垂銀鈴其銀羅網下垂金鈴
水精羅網垂琉璃鈴琉璃羅網垂水精鈴赤
珠羅網垂瑪瑙鈴瑪瑙羅網垂赤珠鈴碑礪
羅網垂衆寶鈴其金樹者金根金枝銀葉華
實其銀樹者銀根銀枝金葉華實水精樹者
水精根枝琉璃華實琉璃樹者琉璃根枝水
精華實赤珠樹者赤珠根枝瑪瑙華實瑪瑙
樹者瑪瑙根枝赤珠華實碑礪樹者碑礪根
枝衆寶華實又其池底金沙布散遶池周市
有七寶階道金陞銀陞銀陞金陞水精陞瑠

琉璃陞瑞陸水精陞赤珠陞瑪瑙陞瑪瑙陞
赤珠陞碑礎陞衆寶陞夾陞兩邊有寶欄楯
又其池中生四種華青黃赤白衆色參間華
如車輪根如車轂華根出汁色白如乳味甘
如蜜遶池四面有衆園觀叢林浴池生種種
華樹木清涼華果豐茂無數衆鳥相和而鳴
亦復如是善住象王念欲遊戲入池浴時即
念八千象王時八千象王復自念言善住象
王今以念我我等宜往至象王所於是衆象
即往前立時善住象王從八千象前後導

池其諸象中有爲王持蓋者有執寶扇扇象
王者中有作倡妓樂前導從者時善住象王
入池洗浴作倡妓樂共相娛樂或有象爲王
洗鼻者或有洗口洗頭洗牙洗耳洗腹洗背
洗尾洗足者中有拔華根洗之與王食者中
有取四種華散王上者爾時善住象王洗浴
飲食相娛樂已即出岸上向善住樹立其八
千象然後各自入池洗浴飲食共相娛樂訖
已還出至象王所時象王從八千象前後導
從至善住樹王所中有持蓋覆象王者有執

寶扇扇象王者中有作倡妓樂在前導者時
善住象王詣樹王已坐卧行步隨意所遊餘
八千象各自在樹下坐卧行步隨意所遊其
樹林中有園八尋者有園九尋十尋至十五
四八
尋者唯善住象王婆羅樹王園十六尋其八
十二
千婆羅樹枝葉墮落時清風遠吹置於林外
又八千象大小便時諸夜又鬼除之林外佛
告比丘善住象王有大神力功德如是雖爲
畜生受福如是

鬱單越品第二

佛告比丘鬱單越天下多有諸山其彼山側
有諸園觀浴池生衆雜華樹木清涼華果豐
茂無數衆鳥相和而鳴又其山中多衆流水
其水洋順無有卒暴衆華覆上汎汎徐流夾
岸兩邊多衆樹木枝條柔弱華果繁熾地生
軟草盤繁右旋色如孔雀香如婆師軟若天
衣其地柔軟以足蹈地地凹四寸舉足還復
地平如掌無有高下比丘彼鬱單越土四面
有四阿隣達池各縱廣百由旬其水澄清無
有垢穢以七寶整廁砌其邊乃至無數衆鳥

相和悲鳴與摩陀延池嚴飾無異彼四大池各出四大河廣十由旬其水洋洋順無有卒暴衆華覆上汎汎徐流夾岸兩邊多衆樹木枝條柔弱華果繁熾地生軟草盤縈右旋色如乳翠香猶婆師軟軟若天衣其地柔軟以足蹈地地凹四寸舉足還復地地凹四寸舉足還復地平如掌無有高下又彼土地無有溝澗坑坎荆棘株杌亦無蚊虻蛇蝎虎狼惡獸地純衆寶無有石砂陰陽調柔四氣和順不寒不熱無衆惱患其地潤澤塵穢不起如油塗地無有遊塵百草

常生無有冬夏樹木繁茂華果熾盛地生軟草盤縈右旋色如孔翠香猶婆師軟軟若天衣其地柔軟以足蹈地地凹四寸舉足還復地平如掌無有高下其土常有自然粳米不種自生無有糠粃如白華叢猶忉利天食衆物具足其土常有自然金鑊有摩尼珠名曰燄光置於雙下飯熟光滅不假樵火不勞人功其土有樹名曰曲躬葉葉相次天雨不漏彼諸男女止宿其下復有香樹高七十里華果繁茂其果熟時皮殼自裂自然香出其樹或

高六十里或五十四十極小高五里皆華果繁茂其果熟時皮殼自裂自然香出復有衣樹高七十里華果繁茂其果熟時皮殼自裂出種種衣其樹或高六十里五十四十極小高五里皆華果繁茂出種種衣復有莊嚴樹

高七十里華果繁茂其果熟時皮殼自裂出種種嚴身之具其樹或高六十里五十四十極小高五里皆華果繁茂出種種嚴身之具復有華鬘樹高七十里華果繁茂其果熟時皮殼自裂出種種鬘其樹或高六十里五

十四十里極小高五里亦皆華果繁茂出種種鬘復有器樹高七十里華果繁茂其果熟時皮殼自裂出種種器其樹或高六十里五十四十極小高五里皆華果繁茂出種種器復有果樹高七十里華果繁茂其果熟時皮殼自裂出種種果樹或高六十里五十四十極小高五里皆華果繁茂出種種果復有樂器樹高七十里華果繁茂其果熟時皮殼自裂出種種樂器其樹或高六十里五十四十極小高五里皆華果繁茂出種種樂器其土

有池名曰善見縱廣百由旬其水清澄無有垢穢以七寶塹廁砌其邊遠池四面有七重欄楯七重羅網七重行樹乃至無數衆鳥相和而鳴亦復如是其善見池北有樹名菴婆羅周圍七里上高百里枝葉四布遍五十里其善見池東出善道河廣一由旬其水徐流無有洄渦種種雜華覆蔽水上夾岸兩邊樹木繁茂枝條柔弱華果熾盛地生軟草盤繁右旋色如孔雀香如婆師軟若天衣其地柔軟足蹈地時地凹四寸舉足還復地平如掌

亦無有高下又其河中有衆寶船彼方人民欲入中洗浴遊戲時脫衣岸上乘船中流遊戲娛樂訖已渡水遇衣便著先出先著後出後著不求本衣次至香樹樹爲曲躬其人手取種種雜香以自塗身次到衣樹樹爲曲躬其人手取種種雜衣隨意所著次到莊嚴樹樹爲曲躬其人手取種種莊嚴以自嚴飾次到鬱鬱樹樹爲曲躬其人手取種種雜鬱以著頭上次到器樹樹爲曲躬其人手取種種寶器取寶器已次到果樹樹爲曲躬其人手取

種種美果或啖食者或口含者或濃汁飲者
次到樂器樹樹爲曲躬其人手取種種樂器
調弦鼓之並以妙聲和弦而行詣於園林隨
意娛樂或一日二日至于七日然後復去無
有定處善見池南出妙體河善見池西出妙
味河善見池北出光影河亦復如是善見池
東有園林名善見縱廣百由旬遶園四邊有
七重欄楯七重羅網七重行樹雜色間廁七
寶所成其園四面有四大門周市欄楯皆七
寶成園內清淨無有荆棘其地平正無有溝

澗坑坎陵阜亦無蚊虻蠅蟲蛇蜂蝎虎狼
惡獸地純衆寶無有砂石陰陽調柔四氣和
順不寒不熱無衆惱患其地潤澤無有塵穢
如油塗地遊塵不起百草常生無有冬夏樹
木繁茂華果熾盛地生軟草盤榮右旋色如
孔雀香如婆師軟若天衣其地柔軟足蹈地
時地凹四寸舉足還復其園常生自然粳米
無有糠粃如白華叢衆味具足如忉利天食
其園常有自然金鑊有摩尼珠名曰燄光置
於鑊下飯熟光滅不假樵火不勞人功其園

有樹名曰曲躬葉葉相次天雨不漏彼諸男女止宿其下復有香樹高七十里華果繁茂其果熟時皮殼自裂出種種香樹有高六十里五十四日至高五里華果繁茂出種種香乃至樂器樹亦復如是其土人民至彼園中遊戲娛樂一日二日至于七日其善見園無人守護隨意遊戲然後復去善見池南有園林名大善見善見池西有園林名曰娛樂善見池北有園林名曰等華亦復如是其土中夜後夜阿耨達龍王數數隨時起清淨雲周

遍世界而降甘雨如犧牛頃以八味水潤澤普洽水不留停地無泥淖猶如曼師以水灑華使不萎枯潤澤鮮明時彼土於中夜後無有雲翳空中清明海出涼風清淨柔和微吹人身舉體快樂其土豐饒人民熾盛設須食時以自然粳米著於釜中以燄光珠置於釜下飯自然熟珠光自滅諸有來者自恣食之其主不起飯終不盡若其主起飯則盡餌其飯鮮潔如白華叢其味具足如忉利天食彼食此飯無有衆病氣力充足顏色和悅無有

衰耗又其土人身體相類顏貌同等不可分別其貌少壯如閻浮提二十許人其人口齒平正潔白密緻無間髮紺青色無有痿落髮垂八指齊肩而止不長不短若其土人民起欲心時則熟視女人而捨之去彼女隨後往詣園林若彼女人是彼男子父親母親骨肉中表不應行欲者樹不曲蔭各自散去若非父親母親骨肉中表應行欲者樹則曲躬廻蔭其身隨意娛樂一日二日或至七日爾乃散去彼人懷姪七日八日便產隨生男女置

於四衢大交道頭捨之而去諸有行人經過其邊出指令唆指出甘乳充適兒身過七日已其兒成長與彼人等男向男衆女向女衆被人命終不相哭泣莊嚴死屍置四衢道捨之而去有烏名憂慰禪仰接彼死屍置於他方又其土人大小便時地即爲開便利訖已地還自合其土人民無所繫戀亦無畜積壽命常定死盡生天彼人何故壽命常定其人前世修十善行身壞命終生鬱單越壽命千歲不增不減是故彼人壽命正等復次殺生

者墮惡趣不殺者生善趣如是竊盜邪婬兩舌惡口妄言綺語貪取嫉妬邪見者墮惡趣中不盜不婬不兩舌惡口妄言綺語不貪取嫉妬邪見者則生善趣若有不殺不盜不婬不兩舌惡口妄言綺語不貪取嫉妬邪見身壞命終生鬱單越壽命千歲不增不減是故彼人壽命正等何故稱鬱單越人爲勝其土人民不受十善舉動自然與十善合身壞命終生天善處是故彼人得稱爲勝鬱單越_勝鬱單越者其義云何於三天下其土最上最勝故名鬱單越轉輪聖王品第三

佛告比丘世間有轉輪聖王成就七寶有四神德云何轉輪聖王成就七寶一金輪寶二白象寶三紺馬寶四神珠寶五玉女寶六居

又造立塔廟燈燭供養其人身壞命終生鬱單越壽命千歲不增不減是故彼人壽命正等何故稱鬱單越人爲勝其土人民不受十善舉動自然與十善合身壞命終生天善處是故彼人得稱爲勝鬱單越鬱單越者其義

_勝

士寶七主兵寶云何轉輪聖王金輪寶成就
若轉輪聖王出閣浮提地刹利水澆頭種以
十五日月滿時沐浴香湯上高殿上與妓女
衆共相娛樂天金輪寶忽現在前輪有千幅
光色具足天金所成天匠所造非世所有輪
徑丈四轉輪聖王見已默自念言我曾從先
宿諸舊聞如是語若刹利王水澆頭種以十
五日月滿時沐浴香湯升法殿上妓女圍遶
自然金輪忽現在前輪有千幅光色具足天
匠所造非世所有輪徑丈四是則名爲轉輪

聖王今此輪現將無是耶今我寧可試此輪
寶時轉輪王即召四兵向金輪寶偏露右臂
右膝著地以右手摩捫金輪語言汝向東方
如法而轉勿違常則輪即東轉時轉輪王即
將四兵隨其後行金輪寶前有四神導輪所
遮八
住處王即止駕爾時東方諸小國王見大王
至以金鉢盛銀粟銀鉢盛金粟來詣王所拜
首白言善哉大王今此東方土地豐樂多諸
珍寶人民熾盛志性仁和慈孝忠順唯願聖
王於此治政我等當給使左右承受所須當

時轉輪王語小王言止止諸賢汝等則爲供養我已但當以正法治化勿使偏枉無令國內有非法行自不殺生教人不殺生偷盜邪姦兩舌惡口妄言綺語貪取嫌姤邪見之人此即名曰我之所治時諸小王聞是教已即從大王巡行諸國至東海東次行南方西方北方隨輪所至其諸國王各獻國土亦如東方諸小王比此闇淨地所有名曰土地沃野豐多出珍寶林水清淨平曠之處輪則周行封畫圖度東西十二由旬南北七由旬天神

於中夜造城郭其城七重七重欄楯七重羅網七重行樹周帀校飾七寶所成乃至無數衆鳥相和而鳴造此城邑金輪寶復於其城中國度封地東西四由旬南北二由旬天神於中夜造宮殿宮牆七重七寶所成乃至無數衆鳥相和而鳴亦復如是造宮殿已時金輪寶在宮殿上虛空中住完具而不動轉轉輪聖王踊躍而言此金輪寶真爲我瑞我今真爲轉輪聖王是爲金輪寶成就云何白象寶成就轉輪聖王清晨於正殿上坐自然象

寶忽現在前其毛純白七處平住力能飛行
其首雜色六牙鐵脯真金間填時王見已念
言此象賢良若善調者可中御乘即試調習
諸能悉備時轉輪王欲自試象即乘其上清
旦出城周行四海食時已還時^{二十一}轉輪王踊躍
而言此白象寶真爲我瑞我今真爲轉輪聖
王是爲象寶成就云何轉輪聖王紺馬寶成
就時轉輪聖王清旦在正殿上坐自然神珠
忽現在前其色清徹無有瑕
穢時王見已言此珠妙好若有光明可照宮
內時轉輪王欲試此珠即召四兵以此寶珠
置高幢上於夜冥中齊幢出城其珠光明照
行時王見已念言此馬賢良若善調者可中

御乘即試調習諸能悉備時轉輪聖王欲自
試馬寶即乘其上清旦出城周行四海食時
已還時轉輪王踊躍而言此紺馬寶真爲我
瑞我今真爲轉輪聖王是爲紺馬寶成就云
何神珠寶成就時轉輪聖王於清旦在正殿
上坐自然神珠忽現在前其色清徹無有瑕
穢時王見已言此珠妙好若有光明可照宮
內時轉輪王欲試此珠即召四兵以此寶珠
置高幢上於夜冥中齊幢出城其珠光明照
行時王見已念言此馬賢良若善調者可中

聖王踊躍而言今此神珠真爲我瑞我今真爲轉輪聖王是爲神珠寶成就云何玉女寶成就時玉女寶忽然出現顏色從容面貌端正不長不短不麤不細不白不黑不剛不柔冬則身溫夏則身涼舉身毛孔出栴檀香口出優鉢羅華香言語柔軟舉動安詳先起後坐不失宜則時轉輪聖王見已無著心不暫念況復親近時轉輪聖王見已踊躍而言此玉女寶真爲我瑞我今真爲轉輪聖王是爲玉女寶成就云何居士寶成就時居士丈夫

忽然自出寶藏自然財富無量居士宿福眼能徹視地中伏藏有主無主皆悉見知其有主者能爲擁護其無主者取給王用時居士寶往白王言大王有所給與不足爲憂我自能辦時轉輪聖王欲試居士寶即勅嚴船於水遊戲告居士曰我須金寶汝速與我居士報曰大王小待須至岸上王尋逼言我今須用正爾得來時居士寶被王嚴勅即於船上長跪以右手內著水中水中寶瓶隨手而出如蟲沿樹彼居士寶亦復如是內手水中寶

沿手出充滿船上而白王言向須寶用爲須
幾許時轉輪聖王見語居士言止止吾無所
須向相試耳汝今便爲供養我已時居士聞
王語已尋以寶物還投水中時轉輪聖王踊
躍而言此居士寶真爲我瑞我今真爲轉輪
聖王是爲居士寶成就云何主兵寶成就時
主兵寶忽然出現智謀雄猛英略獨決卯詣
王所白言大王有所討伐不足爲憂我自能
辦時轉輪聖王欲試主兵寶即集四兵而告
之曰汝今用兵未集者集已集者放未嚴者

嚴已嚴者解未去者去已去者住時主兵寶
聞王語已即令四兵未集者集已集者放未
嚴者嚴已嚴者解未去者去已去者住時導
輪聖王見已踊躍而言此主兵寶真爲我瑞
我今真爲轉輪聖王是爲轉輪聖王七寶成
就何謂四神德一者長壽不夭無能及者二
者身彊無患無能及者三者顏貌端正無能
及者四者寶藏盈溢無能及者是爲轉輪聖
王成就七寶及四功德時轉輪聖王久乃命
駕出遊後園尋告御者汝當善御而行所以

然者吾欲諦觀國土人民安樂無患時國人
民路次觀者復語侍人汝且徐行吾欲諦觀
聖王威顏時轉輪聖王慈育民物如父愛子
國民慕王如子仰父所有珍奇盡以貢王願
垂納受在意所與時王報曰且止諸人吾自
有寶汝可自用轉輪聖王治此閻浮提時其
地平正無有荆棘坑坎埠阜亦無蚊虻蜂蠍
蠅蚤蛇惡蟲石砂瓦礫自然沈沒金銀寶
玉現於地上四時和調不寒不熱其地柔軟
無有塵穢如油塗地潔淨光澤無有塵穢轉

輪聖王治於世時地亦如是地出流泉清淨
無竭生柔軟草冬夏常青樹木繁茂華果熾
盛地生軟草色如乳翠香若婆師軟如天衣
足蹈地時地凹四寸舉足還復無空缺處自
然粳米無有糠粒衆味具足時有香樹華果
茂盛其果熟時果自然裂出自然香氣馥
熏復有衣樹華果茂盛其果熟時皮殼自裂
出種種衣復有莊嚴樹華果熾盛其果熟時
皮殼自裂出種種莊嚴具復有雙樹華果茂
盛其果熟時皮殼自裂出種種雙樹復有器樹

華果茂盛其果熟時皮殼自裂出種種器復有果樹華果茂盛其果熟時皮殼自裂出種種果復有樂器樹華果茂盛其果熟時皮殼自裂出衆樂器轉輪聖王治於世時阿耨達龍王於中夜後起大密雲彌滿世界而降大雨如擎牛頃雨八味水潤澤周普地無停水亦無泥淖潤澤沾洽生長草木猶如鬘師水灑華鬘使華鮮澤令不萎枯時雨潤澤亦復如是又時於中夜後空中清明淨無雲翳海出涼風清淨調柔觸身生樂聖王治時此閻

浮提五穀豐饒人民熾盛財寶豐饒無所匱乏當時轉輪聖王以正治國無有阿枉修十善行爾時諸人民亦修正見具十善行其王久久身生重患而取命終時猶如樂人食如小過身小不適而便命終生梵天上時玉女寶居士寶主兵寶及國土民作倡妓樂葬聖王身其王玉女寶居士寶主兵寶國內士民以香湯洗沐王身以劫貝纏五百張毘次如纏之捧舉王身置金棺裏以香油灌置鐵櫟裏復以木槨重衣其外積衆香薪重衣其上

而閣維之於四衢道頭起七寶塔縱廣一由
旬雜色參間以七寶成其塔四面各有一門
周市欄楯以七寶成其塔四面空地縱廣五
由旬園牆七重七重欄楯七重羅網七重行
樹金牆銀門銀牆金門瑠璃牆水精門水精
牆瑠璃門赤珠牆瑪瑙門瑪瑙牆赤珠門碑
碑牆衆寶門其欄楯者金欄銀枕銀欄金枕
諸八水精欄瑠璃枕瑠璃欄水精枕赤珠欄瑪瑙
枕瑪瑙欄赤珠枕碑碑欄衆寶枕其金爲羅
網下懸銀鈴銀羅網下懸金鈴瑠璃羅網懸

水精鈴水精羅網懸瑠璃鈴赤珠羅網懸瑪
瑙鈴瑪瑙羅網懸赤珠鈴碑碑羅網懸衆寶
其金樹者銀葉華實其銀樹者金葉華實
其瑠璃樹水精華葉水精樹瑠璃華葉赤珠
樹者瑪瑙華葉瑪瑙樹赤珠華葉碑碑樹衆
寶華葉其四園牆復有四門周市欄楯又其
牆上皆有樓閣寶臺其牆四面有樹木園林
流泉浴池生種種華樹木繁茂華果熾盛衆
香芬馥異鳥哀鳴其塔成已王女寶居士寶
典兵寶舉國士民皆來供養此塔施諸窮乏

須食與食須衣與衣象馬寶乘給衆所須隨意所與轉輪聖王威神功德其事如是

佛說長阿含經卷第十八

卷八

廿五

音釋

墮	丁果	初更切	廁	初更切	間廁也	臣	烏訶切	插	食尹切
						臣	烏訶切	插	食尹切
橫木也	古黃切		欝	單越	梵語也此云勝	瞻	欄檻也	蠍	許
訓供丘加切			處	欝紂勿切	勝	失舟	蠍也	蠍	毒蟲也
各切			七計	切			蠍	蠍	蠍也
括切			壘	力軌切			蠍	蠍	蠍也
爪擊也			擣	搏			蠍	蠍	蠍也
阿耨達	楚也		擣	撮			蠍	蠍	蠍也
熟惱	梵語也此云無						蠍	蠍	蠍也
取也							蠍	蠍	蠍也

脯	脯	蜜息康切	細也	臙	臙	鄧切	登
不	平	机	五骨切	木	蝎	許	陟之道也
也	机	無枝也	木	蝎	毒蟲也	稽	苦外
				蝎	也	稽	
鍊	鍊	金扶甫切	蟲所	搥	古候切	取	粗外
也	搥	雙胡郭切	搥	搥	牛乳也	搥	地交
				搥			
舉	舉	羊朱	密也	緻	直利切		
車也	舉	也	緻	緻	切		
				緻			
搥	搥	吐盍切	緻	緻			
而長曰搥	而長曰搥	牀狹	密也	緻			
				緻			
齊	齊	祖稽切	於爲	瘞	於爲		
				瘞	噉		
				瘞	色		
				瘞	角		
				瘞	女		
				瘞	教		
				瘞	金		

永樂北藏

長阿含經

第六〇冊